

Här Mars Di Bartolomeo  
President vun der Deputéiertechamber  
19, um Krautmaart  
L-1728 Lëtzebuerg

Lëtzebuerg, de 17. Oktober 2017

Här President,

Esou wéi d'Chambersreglement et virgesäit, bieden ech Iech, dës parlamentaresch Fro un den Här Kulturminister weiderzeleeden.

*Wann een duerch Veianen geet, fällt engem op, datt viles wat kulturell wäertvoll an erhalenswäert erschéngt an engem schlechten Zoustand ass.*

*Dowéinst wollt ech den Här Minister bieden, mir dës Froen ze beäntweren:*

- 1. De Kräizgank bei der Trinitarierkierch ass ongeflegt a verdreckt. Ass de Staat fir den Ënnerhalt vum architektonesch wäertvolle Komplex zoustänneg? Wa jo, wéi ass et méiglech, datt de Staat net besser fir den Ënnerhalt vun enger kulturell a reliéis esou wäertvoller Plaz suergt?*
- 2. An der Haaptstrooss sinn eng Rei vun historeschen Haiser verfall oder an engem schlechten Zoustand a stinn zum Verfaf. Ass de Staat dorun interesséiert, déi Haiser ze kafen an ze renovéieren?*
- 3. Wat mécht de Staat, fir d'Kandidatur vu Veianen fir op d'Lëscht vum Weltkulturierwe vun der UNESCO opgeholl ze ginn, ze ënnerstëtzen? Ass, zesumme mat de kommunalen Autoritéiten, e Plang ausgeschafft ginn, fir Veianen ze erhalen, ze restauréieren an nach méi schéin ze maachen?*

Mat déiwem Respekt



Fernand Kartheiser  
Deputéierten